

Glaub was Gott über dich glaubt

1. _Gott — gseht — dich in Jesus Chrischtus

_Er gseht in dir die Vollkommeheit

_Er luegt dich a, doch — was ER gseht

Isch sin gliebte Sohn

2. _Gott — gseht — dich in Jesus Chrischtus

_Es isch als hättisch gläbt — so wie Er

_Gott — gseht in dir die Gerechtigkeit

Vo sim gliebte Sohn

Glaub was Gott über dich glaubt

Glaub das was Gott über dich glaubt

Wenn du wüstisch dass du bisch

Was Gott seit über dir

Denn chönntisch die Wält erschüttre

/ die ganzi Wält umarme

3. _Gott — gseht — dich in Jesus Chrischtus

_Als wärsch gstorbe, uferstande, ufem Thron

_Du sitzisch ganz — nöch bi Gott

I sim gliebte Sohn

De Wäg gange

1. Bisch vom Himmel uf d'Erde cho
Hesch dini Göttlichkeit verlah
Dich mit em Mensch identifiziert
Du hesch Fleisch und Bluet agno

Um eusi Schuld vor Gott z'begliche
A de Stell vo de Menschheit
Hesch eus greinigt und eus gheiligt
Dass mir chönd vor Gott bestah

**Jede wird mal vor Gott stah
Eusi Wärc/Tate werde nid lange
Drum het's Jesus für eus vollbracht
Es isch als wäre mir de Wäg gange**

*Mir alli sind mit Jesus gstorbe
Mir alli mit Ihm uferstande
Mir sitze zur Rechte vom Vater
Wer's glaubt de wird seelig*

De frei Adler

1. En Adler

Isch 10 Johr im Chäfig gsi
Jetzt händ's ihn frei glah
Doch zum Flüege het er sich gwehrt
Die 10 Johr Chäfig
Händ sin Verstand igspeert
Er het nüm gwüsst gha
Für was er sini Flügel treit

Plötzlich gseht er en andre Vogel
Höch am Himmel
Und de Adler flüegt los, er flüegt los

Flüg und heb din Blick zum Himmel / uf Jesus
Vergiss nie meh wer du bisch
Und für was du läbsch
Flüg und heb din Blick ufs Höchere
Vergiss nie meh wer du bisch
Und für was du läbsch
Flüg du frei Adler / Flüg wie de frei Adler

2. Au ich

Bi mängisch vo Lüüge gfangen gsi
Doch d'Wahrheit macht frei
Was Gott über eus seit
Du bisch sis Ebebild
Vollkomme und neu gschaffe
Gott läbt dur Jesus in dir
Hesch das scho mol überleit

Lueg uf Jesus, wie er gläbt het
Das isch s'Bild wo Gott vo dir het
Glaub Ihm, chum und glaub Ihm

Näbe Gott uf sim Thron

1. Stell dir vor
du sitzisch näbe Gott uf sim Thron
er isch din Vater
und du bisch sin gliebte Sohn
Er zeigt dir dis ganze Erb
Er zeigt dir dis ganze Erb

2. Er git dir d'Schlüssel
vom Himmelriich i dini Händ
Du öffnisch und gschlüssisch
bisch Herr über dini Umständ
Du bisch vo allem frei
Du bisch vo allem frei

All das bisch du
Wenn du nüm für dich selber läbsch
Sondern für Jesus

3. Stell dir vor
Du chasch d'Werch vo Satan zerstöre
Glähmti laufe
Und Ghörlosi chönd wieder ghöre
Du repräsentiersch Gott uf dere Welt
So wie's Jesus het agfange uf dere Welt

4. Gnüssisch din Vater
Du füllsch dis Herz und du tanksch uf
Er git dir no so gern
Was immer du verlangsch
Am Chrüz het Jesus zahlt für dich
Er het scho längschtens alles zahlt für dich

All das bisch du..

5. Gott isch Mensch worde
Damit du chasch versöhnt si mit Ihm
Jesus isch so worde wie du
Damit du chasch so si wie Er
Für das het er glitte am Chrüz
Für das het er kämpft für dich
Drum in Ihm sitzisch du näbe Gott

So wie du

1. Du bisch arm worde, damit ich riich cha si
Du bisch schwach worde, damit ich stark cha si
Bisch zur Schand worde, dass ich en Teil cha si
I dinre Herrlichkeit

Bisch zur Sünd worde, damit ich rein cha si
Bisch verstosse gsi, damit ich agna bi
Bisch verurteilt worde, sit denn bin ich
Gottes Gerechtigkeit

Jesus du bisch worde wie ich

Damit ich cha so si wie du

So wie du, so wie du

2. Du bisch gfange worde, dass ich frei cha si
Du hesch d'Krankheit treit, damit ich gsund cha si
Du bisch uspeitscht worde, dur dini Strieme
Bin ich jetze gheilt

Bisch dur d'Dunkelheit, dass ich im Liecht cha si
Bisch dur d'Höll, dass ich _ im Himmel cha si
Du hesch kämpft für mich, dass ich de Sieg cha ha
Vo jeder Macht befreit

1000 mal stärke

1. Egal was isch gsi - ich lueg nümme zrugg
Ich lueg nur uf Jesus - Denn er läbt dur mich
Ich brucht nume sterbe - Er schafft i mir e neuu Kreatur
Mensche werdet gheilt - grettet, befreit
Wenn ich eifach tue - Was Jesus het gseit
De ganz grossi Kampf - Isch gäge mini alti Natur

Ich wett 1000 mal stärke

Will du i mir läbsch

Weniger vo mir

Und meh vo dir

Wett mich selber zruggne

Dass du us mir strahlsch

Dass d'Mensche statt mich

Dass sie dich chönd gseh

2. Wie damals de Petrus - Wo seit zu dem Glähmte
Silber Gold han ich nid - Doch was ich ha gib ich dir
Im Name vo Jesus stand uf
Drum gahn ich jetz los - Ich vertrau uf dis Wort
Du bisch die Chraft - Sie flüsst us mir
De ganz grossi Kampf - Isch gäge mini alti Natur

Was ich gseh in dir

1. __ De Spiegel a de Wand
Er tüscht dich, zeigt dir d'Fehler uf
Das isch nid das was du bisch
Du bisch viel meh als was du gsehsch

__ Du bisch kleidet in wiss
Und du treisch mini Chrono us Gold
Bisch es Chind vom Allerhöchste
Du bisch unendlich wertvoll

**Du gsehsch dich wohl nie dur mini Auge
Darum bitt ich dich chum glaub mir
Es isch so wunderschön
Was ich gseh in dir
Chönntisch du dich mal nur so gseh
Denn würsch verstah warum ich alles ha geh
Für dich, so wunderschön
Was ich gseh in dir
Was ich gseh in dir**

2. __ Die jungi Welt isch viel heller gsi
Als Chind hesch du immer no glaubt
Doch all die Schatte vor Erkenntnis
Händ dir d'Sicht graubt

Wart bis die Nacht verbi isch
I de neue Welt würsch es gseh
Wie dini Farbe i minre Liebi
Sie verschmelze i Liecht

Tanz mit Gott

1. Im Tanz vom Läbe

Ghei i mängisch usem Takt

Doch Gott stellt d'Harmonie wieder her

Er füehrt mich im Rhythmus - Mit sinre starche Hand

Er git Muet und mit Ihm isch's nüm schwer

Tanz mit Gott

Gott bittet dich um dini Hand

Er möchte tanze mit dir

Zum Lied vo de Hoffnig

Zur Symphonie vo de Liebi

De König het dich erwählt

Chum lah dich uf Ihn i

Und gib Ihm en Chance

Chum tanz mit Gott

2. Im Tanz vom Läbe

Wetti selber mängisch füehre

und mir stönd enand uf d'Füess, gheie usem Groove

Chum loh eus lo füehre - Vo Gott eusem König

Und mir bewege eus im wunderschöne Move

Hoffnig isch die Fähigkeit

d'Musik vo de Zuekunft z'ghöre

Glaube isch de Muet

i de Gägewart nach ihre z tanze

Vergäbig

1. Das wo passiert isch mit dir
Tuet unheimlich weh
S'git kei Wort defür

2. Ich kenn Balsam für dich
E Chraft wo viel stärcher isch
Stärcher als alls wo isch gscheh

Vergäbig bewegt de Stei vo dim Herz
Vergäbig bewegt de Stei vo dim Herz
Vergäbig bewegt de Stei
Bewegt de Stei vo dim Herz

3. Falls de Schmerz wieder chunnt
Es bruucht es Ziiitli will de Stei isch nid rund
Glaub mir's bald tuets nömme weh

Vergäbig....2x

S'isch verbii - Loh los
Mit Gottes Hilf schafftsch du das
S'isch verbii - Loh los
Mit Gottes Hilf
Mit Gottes Hilf wirsch du frei sii

Herr isch nöch

De Herr isch nöch
Allne wo ihn arüefe

Quelle

Du wirsch nie meh durschtig wärde
Wenn'd vom Wasser trinksch wo Jesus git
Es wird in dir zur Quelle
Wo für immer Läbe quillt

Rebstock

Jesus seit: er isch de wahri Rebstock
Wer mit ihm nid verbunde bliibt
Cha keini bliibendi Frucht geh
Wie ne Rebe wo ellei am Bode liit

Doch verwurzlet i sinre Liebi
Wenn sis Wort i dir inne bliibt
Denn chasch bitte, was immer du wetsch
Und du wirsch es becho

Du wirsch blüeh und viel Frucht geh
Jesus bewirkt das alls i dim Läbe
Wenn du ruehsch i de Umarmig mit ihm
1. Wiene Rebstock und e Rebe
2. Er isch de Rebstock und du bisch d'Rebe

Du und ich

Du und ich

Mir sind en Einheit

Ich vertrau uf dich Jesus

Und du wartisch uf mich (2x)

Du hesch gseit ich söll go

d'Händ uflege

Und du heilsch

Du wartisch uf mich

Bis ich d'Händ uflege

Und du heilsch

Du wartisch uf mich